



ներգրավվեն մեր երկրի շինարարության ու զարգացման գործում: Այս երկրամասի բոլոր բնակիչները պետք է իրենց զգան վերջնականապես ինտեգրված վրացական պետության մեջ: Մենք նաեւ աջակցելու ենք ձեր մայրենի լեզվի պահպանության գործին եւ խոստանում ենք, որ այն կպաշտպանենք»,- հայտարարեց վարչապետը:

Ախալքալաքից վարչապետը ուղեւորվեց Ասպինձա: Տեղի բնակիչների հետ հանդիպմանը, Իրակլի Ղարիբաշվիլին շեշտը դրեց գյուղատնտեսության զարգացման վրա՝ նշելով, որ ոլորտի առաջընթացի ապահովումն իր գլխավորած կառավարության առաջնահերթությունն է:

Տարածաշրջանային այցի ավարտին վարչապետը եղավ Ախալցխիսեում: Ախալցխիսեի բնակիչների հետ հանդիպմանը վարչապետը նշեց, որ կառավարության առաջնահերթությունը գյուղատնտեսության վերածնունդն է: «Մենք սկսել ենք հանձնել ագրովարկեր, որոնք դրական արդյունք են բերում: Հունիսի 1-ից ուժի մեջ է մտնում «Արտադրիչ Վրաստանում» պետական ծրագիրը, ինչը երկրի բոլոր տարածաշրջաններում նախատեսում է տեղական արտադրության վերականգնում: Արդյունքում՝ կառաջանան նոր աշխատատեղեր, կբարելավվի տեղական արտադրանքի որակը»,- հայտարարեց վարչապետը: